

QUANNU CAMINI TIE

Quannu camini tie
faci na posa
Nu l'aggiu vista
a n'uddru amante fare.

Ulia sapire ci
la faci ca si puntusa
O puramente
ca la poti fare.

Ogni capiddhru nci
porti na rosa
Pe forza me n'hai fattu
innamurare.

E porti l'occhi te
na niura serpe
Quale pittore
te li vose fare.

Ci era pittore ieu
te dipinceria
Nu ritrattu de tie
me 'ndia de fare.

Alle camere mei
me nde l'ia portare
Te notte e giurnu
jeu me l'ia guardare.

Ci qualche giurnu jeu
cascheria malatu
Dhru ritrattu guardava
e me saneria.

Me fai girare comu
gira lu sule
Me faci ulare comu
a n'uceddhru.

Cielu ca nu cuminci
a furminare
Pe questa donna che
mi fa morire.

E jeu te ticu a tie
amante puntusa
Ojme bene e nu
me abbandunare.